



**Izveštaj o aktivnostima centra za period
1.1.2024.-31.12.2024.**



Omladinski centar Bugojno je kulturno-edukativni prostor namijenjen svim građanima Bugojna, a prvenstveno mladim ljudima sa ciljem da ih podstakne na aktivno učešće u životu zajednice i omogući im da na kreativan i kvalitetan način provode svoje slobodno vrijeme.

Udruženje mladih za razvoj „VIZIONAR“, Bugojno, kao prethodnik Udruženja mladih „OMLADINSKI CENTAR“, Bugojno djelovalo je na prostoru općine Bugojno od decembra 2010. godine. Tokom svoga rada udruženje je realiziralo mnoge značajne projekte a početkom 2019.godine, udruženje mijenja naziv u Udruženje „OMLADINSKI CENTAR“, Bugojno.

Omladinski centar kao ideja je nastao 2017. godine zahvaljujući neformalnoj grupi mladih iz Bugojna a zahvaljujući podršci Međunarodne organizacije za migracije kroz projekat „Podrška mladima u lokalnim zajednicama u BiH“ koji ova organizacija uz pomoć donatora USAID, Ambasada Velike Britanije i Italije u Bosni i Hercegovini implementira od oktobra 2015. godine. U Bugojnu je krajem 2018. godine i zvanično otvoren Omladinski centar.

Osnovni ciljevi u radu Omladinskog centra su:

- zalaganje za ostvarivanje svih prava mladih u općini Bugojno bez obzira na vjeru, rasu, spol, nacionalnost;
- zalaganje za poboljšanje položaja mladih u svim životnim oblastima;
- afirmisanje svih pozitivnih, kulturnih, naučnih, intelektualnih, vjerskih i civilizacijskih vrijednosti;
- poticanje mladih ljudi da poboljšaju svoj položaj u svim životnim oblastima koristeći svoje znanje i vještine i to sve kroz izradu različitih vrsta projekata čime bi se doprinijelo razvoju cjelokupne lokalne zajednice;
- organizovanje tribina, javnih rasprava, seminara i kulturnih, naučnih, sportskih manifestacija kao i pokretanje drugih aktivnosti javnog karaktera u cilju poboljšanja kvalitete življenja u općini Bugojno;
- motivacija mladih na borbu za vlastita prava, te poticanje mladih na saradnju sa institucijama, vlastima na svim nivoima, medijima i drugim subjektima koji vode ka boljem položaju mladih;
- implementacija omladinske strategije za općinu Bugojno.

Misija:

„Omladinski Centar je mjesto druženja, razmjene iskustava, jačanja kapaciteta i umrežavanja a sve sa krajnjim ciljem unapređenja kvalitete života mladih u Gornjovrbaskom području“.

Vizija:

„Postati prvo mjesto za razvoj mladih u Gornjovrbaskoj regiji istovremeno osiguravajući samoodrživost organizacije koja djeluje u društvu u kojem su mladi faktor koji utiče na kreiranje svog okruženja i doprinose ličnom i razvoju cijele zajednice“.

Strateški plan OC Bugojno identificira tri strateška cilja, pri čemu se ciljevi odnose na organizaciju i interne kapacitete, kao i na razvoj i unapređenje položaja ciljnih grupa i korisnika. Definisani su u kontekstu planskog usmjeravanja aktivnosti u narednom periodu kako bi se ostvarivala misija ali i približilo dostizanju vizije. Strateški ciljevi postavljeni su na način da definišu smjer aktivnosti u kontekstu ostvarenja dugoročnih pravaca razvoja u kojima OC treba da egzistira i unapređuje položaj svojih korisnika. S tim u vezi, strateški ciljevi Omladinskog centra Bugojno su:

1.	Samoodrživa organizacija sposobna da kroz generiranje vlastitih prihoda i donacija osigurava realizaciju projektnih aktivnosti
2.	OC Bugojno referentni centar savremenih alata, tehnika i sadržaja za unapređenje položaja mladih na području Gornjovrbaske regije
3.	OC ključni prepoznatljivi akter za pitanja mladih Gornjovrbaske regije

Tokom 2024. godine u centru su realizirane brojne aktivnosti, a prostorije Omladinskog centra redovno koristi i Vijeće mladih općine Bugojno, Asocijacija srednjoškolaca BiH/lokalni tim Bugojno, Udruženje „Roditelji za roditelje“ Bugojno, stipendisti Fondacije Hastor, kao i druge nevladine organizacije i pojedinci koji imaju potrebu za korištenjem prostorija i opreme centra.

Omladinski centar trenutno nudi sljedeći program rada:

1. Neformalna edukacija i mentorstvo

Ovaj program centra obuhvata dinamične i interaktivne obrazovne radionice te aktivnosti usmjerene na lični razvoj i sticanje praktičnih vještina mladih.

Kroz ovaj program OCB mladima nudi sljedeće radionice i aktivnosti:

- MovieEQ radionica,**
- Toxic masculinity radionica,**
- Radionica “Ne šutimo na nasilje, nego ga rješavamo”,**
- Konverzacijski klub engleskog jezika.**

Ove edukativne radionice pomažu mladima da razviju samopouzdanje, kritičko razmišljanje, socijalne vještine i osposobljavanje za uspješnu intergraciju u društvo.

Kroz mentorski program OCB želi da unaprijedi zagovaračke kapacitete mladih tako što će potaknuti njihovu angažiranost i uticaj u zajednici. Cilj OCB je pružiti mladima osnovnu edukaciju o zagovaranju, uključujući značenje, procese i tehnike učinkovitog zagovaranja kako bi stekli razumijevanje o tome kako svoje ideje mogu prenijeti široj javnosti.

Javno zagovaranje i zagovaračke inicijative mogu biti jako moćan alat za određene pozitivne promjene u zajednici.

2. Mobilnost mladih

Omladinski centar Bugojno mobilnost mladih postavlja kao jedan od vodećih ciljeva i područja djelovanja. Kroz ovaj program mladi imaju priliku za sticanje drugačijih, pozitivnijih pogleda na svijet, mogućnost razbijanja predrasuda, stereotipa, lične i profesionalne nadogradnje, sticanje prijatelja i bogaćenja znanjima o različitim kulturama.

OCB vrši promociju i aktivnosti posvećene mobilnosti mladih na lokalnom, regionalnom i evropskom nivou kroz:

- ERASMUS +
- Socijalna kohezija i umrežavanje sa mladima iz Bosne i Hercegovine.

OCB je do sada realizirao devet ERASMUS razmjena kroz koje je uspostavljena odlična saradnja sa *Zavod za mladino in šport Trbovlje* i *Mladinski center Žalec-Republika Slovenija*, a kroz socijalno koheziju i umrežavanje u Bosni i Hercegovini uspostavljena je i saradnja sa mladima iz Prijedora, Konjica, Cazina, Mostara, Jablanice, Sarajeva, Travnik, Tuzle kroz Udruženje građana RUSAG Prijedor, Udruženje Dignitet Mostar, Centar za edkaciju mladih Travnik, Mreža mladih MIZ Cazin, Vijeće mladih Grada Mostara, Fondacija Edukos Sarajevo, Udruženje za psiho-socijalnu podršku i bolju budućnost "Progres" Sarajevo i Udruženje studenata medicine u BiH BoHeMSA Tuzla.

3. Razvoj lokalne zajednice

Partnerstvo i umrežavanje je jedan od značajnijih strateških prioriteta Omladinskog centra Bugojno. Kroz prethodne 4 godine rada, uspostavili smo partnerske odnose sa Općinom Bugojno, srednjim školama sa područja naše općine, nevladinim organizacijama, privrednim subjektima i pojedincima.

Cilj OCB je potaknuti razvoj lokalne zajednice i stvoriti bolje uslove za ostanak mladih u općini Bugojno kroz programe koje nude mogućnost mladima da savladaju osnove pisanja projektnog prijedloga, te dobiju informacije o aktuelnim pozivima namjenjenim biznis idejama mladih.

Doprinos razvoju lokalne zajednice OCB nudi kroz implementaciju dva programa centra:

- Klub omladinskih ideja

Na Klubu omladinskih ideja sprovode se polustrukturirane aktivnosti usmjerene na konstruktivno provođenje slobodnog vremena i povezivanje sa drugim mladima. Sami učesnici u velikoj mjeri određuju sadržaj aktivnosti, uz vodstvo i usmeravanje osoblja OCB. Klub omladinskih ideja se sprovodi dva puta mjesečno tokom cijele godine, a glavni cilj mu je da mladi nauče osnova pisanja projektnog prijedloga

- Klub mladih poduzetnika/ca

Cilj kluba je mapiranje i povezivanje mladih poduzetnika sa područja naše općine. Klub se održava svaka dva mjeseca tokom cijele godine, a mladi poduzetnici imaju priliku da dobiju informacije o aktuelnim pozivima za edukaciju i podršku malim biznisima.

4. Zdravi stilovi života

Kroz rad sa mladima, posebno u njihovom periodu prelaska iz adolescencije u odraslo doba, kada se njihovom fizičkom i psihičkom stanju mora posvetiti ogromna pažnja, OCB ističe zdrave životne stilove kao važan segment rada.

Program zdravih stilova života u okviru Omladinskog centra obuhvata niz aktivnosti usmjerenih na promicanje fizičkog i mentalnog zdravlja mladih kroz organizaciju i podršku:

1. **Sportskim aktivnostima:** Organizacija sportskih aktivnosti kao što su fudbal, košarka, odbojka, atletika, planinarenje, biciklizam ili fitness programi kako bi se mladi potaknuli na aktivan način života.
2. **Edukacija o zdravom načinu života:** Organizacija radionica i predavanja o zdravoj prehrani, vježbanju, održavanju mentalnog zdravlja, prevenciji ovisnosti i važnosti redovitih zdravstvenih pregleda.
3. **Timski rad kroz sport:** Poticanje timskog rada, saradnje, fer pleja i sportskog duha kao sredstva za izgradnju povjerenja, komunikacije i socijalnih vještina među mladima.
4. **Stvaranje sportskih događaja:** Organizacija sportskih turnira, događaja i takmičenja kako bi se mladi potaknuli da se aktivno uključe u sportske aktivnosti i promovirali zdrav život.

Implementacija ovog programa može pružiti mladima priliku da steknu vještine, usvoje zdrave navike i razviju interese za sportske aktivnosti koje će ih nadahnuti da ostanu fizički i mentalno zdravi. Osim toga, program toga tipa može također doprinijeti razvoju zajednice kroz promicanje sportskog duha, timskog rada i kulturne raznolikosti.

Omladinski centar Bugojno je od 2019. godine i redovni učesnik programa razmjene ERASMUS+, programa Europske Unije koji se odnosi na razmjenu, edukaciju i obrazovanje mladih. Omladinski centar Bugojno je potpuno opremljen zahvaljujući podršci Međunarodne organizacije za migracije, Institutu za razvoj mladih KULT iz Sarajeva kao i drugih donatora i predstavlja funkcionalan prostor koji stoji na raspolaganju svim mladim ljudima svakim radnom danom od 07-15.30 sati, a po potrebi i vikendom. Centar trenutno ima jednu stalno zaposlenu osobu (voditelj centra) i jednu osobu na stručnom usavršavanju bez prava zasnivanja radnog odnosa. Voditelj centra je osoba koja je certificirani Stručni saradnik za rad sa mladima, kao i certificirani Službenik za mlade.

Omladinski centar Bugojno trenutno ima **122** mladih ljudi u svome članstvu od kojih je većina aktivna, a broj novih članova se povećava iz dana u dan. Centar je pozitivna priča koja trenutno okuplja najveći broj mladih starosne dobi od 15-30 godina u općini Bugojnu.

Podršku u radu Omladinskog centra Bugojno tokom 2024.godine pružili su Općina Bugojno i Općinsko vijeće Bugojno. Rad centra ne bi bio moguć bez podrške JU Centar za socijalni rad Bugojno.

Tokom 2024. godine potpisani su sporazumi o saradnji i uspostavljena partnerstva sa:

- Vijeće mladih Općine Bugojno,
- Taekwondo klub Shenron Bugojno,
- Udruženje Leptir Bugojno,
- NVO Sunce Bugojno,
- Mreža za izgradnju mira Sarajevo,
- Druga osnovna škola Bugojno,
- Treća osnovna škola Bugojno,
- Osnovna škola Bristovi,
- Osnovna škola Drvetine,
- Udruženje Dignitet Mostar.

Sve aktivnosti centra vidljive su i na web stranici www.ocbugojno.com, kao i društvenim mrežama (FB, X, Instagram, TikTok, LinkedIn).

Medijsku podršku u radu Omladinskog centra Bugojno tokom 2024.godine pružili su Radio-televizija Bugojno i portal Bug.ba.

Aktivnosti koje su održane u prostorijama centra za period 1.1.2024.- 31.12.2024. godine

U navedenom periodu realizirano je ukupno **59 aktivnosti** na kojima je prisustvovalo **658 ljudi**.

Tabelarni prikaz aktivnosti

R/B	Naziv aktivnosti	Period realizacije	Opis aktivnosti
1	Radionica na temu „Ne ćutimo na nasilje nego ga rješavamo“	31.12.2024.	Radionica je održana u prostorijama Omladinskog centra Bugojno u sklopu projekta „Naš prozor u svijet“. Ukupan broj učesnika koji je bio prisutan na radionici je bio 10 . Radionicu je vodila Amra Durić Čaušević, diplomirana pravica i certificirana trenerica.
2	Radionice na temu „Prvo menstrualno iskustvo i pravilna higijena tokom menstrualnog ciklusa“	31.12.2024.	Učesnice radionice su bile djevojke iz Osnovne škole Drvetine, a tokom radionice imale su priliku da se upoznaju sa menstrualnim ciklusom, pravilnom higijenom, spolno prenosivim bolestima i prvim susretom sa ginekologom. Radionicu su vodile Ajna Kaltak i Imman Šupić, studentice Medicinskog fakulteta u Sarajevu. U ovim radionicama učestvovalo je 17 djevojaka.
3	Radionice na temu „Prvo menstrualno iskustvo i pravilna higijena tokom menstrualnog ciklusa“	27.12.2024.	Učesnice radionice su bile djevojke iz Osnovne škole Bristovi koje su tokom radionice imale priliku da se upoznaju sa menstrualnim ciklusom, pravilnom higijenom, spolno prenosivim bolestima i prvim susretom sa ginekologom. Radionicu su vodile Imman Šupić i Ajna Kaltak studentice Medicinskog fakulteta u Sarajevu. U ovim radionicama učestvovalo je 15 djevojaka.
4	Aktivnost na temu „Da li je zakon o mladima FBIH dostupan mladima u ruralnim sredinama“?	19.12.2024.	Ova aktivnost je realizirana u sklopu projekta „Zakon o mladima u ruralnim zajednicama općine Bugojno“ koji je realizirao Omladinski centar Bugojno tokom 2024.godine. Pored Omladinskog centra, partneri u ovom projektu su bili i Vijeće mladih općine Bugojno i

			Udruženje TKD „Shenron“ Bugojno. Cilj ove lokalne građanske inicijative je bio bolje povezivanje sa mladima iz općine Bugojno, posebno iz ruralnih Mjesnih zajednica. Aktivnost je realizirana u Osnovnoj školi Gračanica. Aktivnost je vodila Amra Durić Čaušević, diplomirana pravica. Na aktivnosti je učestvovalo 16 učenika.
5	Radionica političke pismenosti	10.12.2024.	Radionica je održana u prostorijama Omladinskog centra Bugojno. Na radionici je bilo prisutno 15 mladih iz općine Bugojno, a radionicu je vodila Amina Bašić.
6	Obilježavanje Međunarodnog dana volontera	5.12.2024.	U sklopu obilježavanja Međunarodnog dana volontera 30 mladih iz našeg centra su posjetili udruženje Mreža za izgradnju mira, te su imali priliku da se upoznaju sa onim što radi Mreža, ali i da dobiju korisne savjete kako da djeluju u svojoj lokalnoj zajednici. Posjeta je zaključena potpisivanjem Memoranduma o saradnji između našeg centra i Udruženja mreža za izgradnju mira.
7	Aktivnost na temu „Da li je zakon o mladima FBIH dostupan mladima u ruralnim sredinama“?	4.12.2024.	Ova aktivnost je realizirana u sklopu projekta „Zakon o mladima u ruralnim zajednicama općine Bugojno“, koju je proveo Omladinski centar Bugojno. Aktivnost je realizirana u Osnovnoj školi Drvetine. Pored radioničkog dijela, mladi su imali priliku i da zaigraju kviz, te testiraju svoje znanje o poznavanju Zakona o mladima FBIH. Aktivnost je vodila Amra Durić Čaušević, diplomirana pravica, a na aktivnostima je učestvovalo 20 učenika.
8	Aktivnost na temu „Da li je zakon o mladima FBIH dostupan mladima u ruralnim sredinama“?	4.12.2024.	Ova aktivnost je realizirana u sklopu projekta „Zakon o mladima u ruralnim zajednicama općine Bugojno“, koju je realizirao Omladinski centar Bugojno. Aktivnost je realizirana u Osnovnoj školi Bristovi. Pored radioničkog dijela, mladi su imali priliku i da zaigraju kviz, te testiraju svoje znanje o poznavanju Zakona o

			mladima FBIH. Aktivnost je vodila Amra Durić Čaušević, diplomirana pravnik, a na aktivnostima je učestvovalo 16 učenika.
9	Radionica na temu „Očuvanje životne sredine“	2.12.2024.	Ova radionica je treća aktivnost koja je realizovana u sklopu projekta „Zdravlje na 1.mjestu“ koji je realizirao Omladinski centar. Aktivnost je realizovana u prostorijama našeg centra. Na ovoj radionici mladi su imali priliku da nauče nešto više o zaštiti životne sredine. Radionicu je vodila Nejra Mešan, bachelor biologije i ekologije, a na ovoj radionici bilo je 20 mladih.
10	Radionica na temu „PRVA POMOĆ“	23.11.2024.	Ova radionica je druga aktivnost koja je realizovana u sklopu projekta „Zdravlje na 1.mjestu“. Aktivnost je realizovana u prostorijama našeg centra, a pored teoretskog dijela mladi su imali priliku da vježbaju i praktično na specijalnim lutkama. Pomoć u realizaciji ove aktivnosti pružili su volonteri Crvenog križa Bugojno. Na radionici je bilo prisutno 12 mladih.
11	OBILJEŽAVANJE DANA DRŽAVNOSTI BOSNE I HERCEGOVINE	20.11.2024.	Volonteri našeg centra program obilježavanja započeli su defileom i polaganjem cvijeća i odavanjem počasti u Spomen parku poginulim borcima i građanima Bugojna i Bosne i Hercegovine, te kod Spomen obilježja ispred Mješovite srednje škole „Gimnazija“ Bugojno. Predavanje o historijskom značaju ovog datuma održano je u prostorijama našeg centra, a održao ga je naš volonter Haris Hasanbegović. Na aktivnosti je bilo pristuno 20 mladih.
12	POTPISIVANJE SPORAZUMA O SURADNJI	14.11.2024.	Ova aktivnost je u sklopu projekta „Zakon o mladima u ruralnim zajednicama općine Bugojno“. Posjetom tri bugojanske osnovne škole, naš Omladinski centar je potpisao Sporazume o suradnji sa Osnovna škola Bristovi, Osnovna škola Drvetine i Osnovna škola

			Gračanica. Broj učesnika u realizaciji je bio 3 .
13	POTPISIVANJE SPORAZUMA O SURADNJI	13.11.2024.	Ova aktivnost je realizirana u sklopu projekta „Zakon o mladima u ruralnim zajednicama općine Bugojno“. Omladinski centar potpisao je Sporazume o saradnji sa Vijećem mladih općine Bugojno, te Udruženjem građana Taekwondom klub „Shenron“ Bugojno. Broj učesnika u realizaciji je bio 2 .
14	POSJETA AMBASADORA UJEDINJENOG KRALJEVSTVA VELIKE BRITANIJE I SJEVERNE IRSKU U BOSNI I HERCEGOVINI	12.11.2024.	Naš Omladinski centar ugostio je Juliana Reillya, ambasadora Ujedinjenog Kraljevstva Velike Britanije i Sjeverne Irske u Bosni i Hercegovini. Na aktivnosti je bilo prisutno 10 osoba .
15	ORJENTACIJA U PRIRODI I SPORTSKO PENJANJE	8.11.2024.	Ova aktivnost je prva aktivnost koja je realizirana u sklopu projekta „Zdravlje na 1.mjestu“ koji je proveo Omladinski centar Bugojno. Aktivnost je realizovana u prirodi na lokaciji Pršljanica, a pored teoretskog dijela mladi su imali priliku da se okušaju i u sportskom penjanju. Radionicu je vodio Tarik Rustempašić, član Planinarskog društva Koprivnica Bugojno i član Gorske službe za spašavanje općine Bugojno, te certificirani trener iz ove oblasti. U aktivnosti učestvovalo 15 mladih .
16	ERASMUS RAZMJENA DigiYouth21	1.11.2024.	Tokom Erasmus razmjene i projekta DigiYouth21 naši volonteri imali su priliku naučiti kako snimati sa opremom i kako editovati video. U ovoj razmjeni učestvovalo je 7 naših volontera.
17	ERASMUS RAZMJENA DigiYouth21	25.10.2024.	Prvi dan Erasmus razmjene naših volontera u Sloveniji. Naših 7 volontera imalo je priliku da prisustvuju zanimljivim radionicama i diskusijama na temu “šta za nas predstavlja sigurno mjesto”.
18	ERASMUS RAZMJENA DigiYouth21	24.10.2024.	Naši volonteri: Amina Mašić, Belma, Polić, Semira Švraka, Haris Hasanbegović, Lamija Muratspahić, Minela Basara i Edin Manjušak su u sklopu međunarodne Erasmus+

			razmjene i projekta DIGI YOUTH21 otputovali u Republiku Sloveniju, te su boravili 10 dana. Projekt sufinansira Evropska Unija.
19	16 DANA AKTIVIZMA	12.10.2024.	Volonterke našeg centra Imman Šupić i Semira Švraka učestvovala su u radionici „Mladi protiv nasilja“ u organizaciji UN Women Bosnia and Herzegovina. Radionica je dio kampanje 16 dana aktivizma protiv rodno-zasnovanog nasilja.
20	MEMORANDUM O SURADNJI	8.10.2024.	Zdravi stilovi života i zdravlje naših mladih je jedan od glavnih prioriteta našeg Omladinskog centra. Kako bismo barem na kratko udaljili mlade od „virtuelnog“ svijeta potpisali smo Memorandum o saradnji sa Fitness klubom Painzone. Uspostavljenjem ove saradnje, svi mladi iz našeg centra koji žele da treniraju u Fitnes klubu Painzone imati će priliku da mjesečnu članarinu plaćaju po znatno nižoj cijeni.
21	ERASMUS RAZMJENA "Become a Master of Your Relationships"	29.9.2024.	Kroz Erasmus razmjenu naši volonteri boravili su u Žalecu u Sloveniji, te su kroz dramsku radionicu učili više o konfliktima, te na koje se sve načine mogu riješiti.
22	ERASMUS RAZMJENA "Become a Master of Your Relationships"	26.09.2024.	Naši volonteri kroz Erasmus razmjenu u Žalecu, imali su priliku da nauče kako raditi u timu, kako tim funkcioniše, da nauče razliku između tima i grupe, te kako treba da se ponaša pojedinac unutar tima.
23	ERASMUS RAZMJENA "Become a Master of Your Relationships"	23.9.2024.	Volonteri omladinskog centra: Merjem Mešan, Adem Šehić, Iman Mirojević, Ajla Opardija, Vedad Vrtagić i Ali Čehajić otputovali su na sedmodnevnu razmjenu u Republiku Sloveniju.
24	SVJETSKI DAN ČIŠĆENJA	21.9.2024.	Akcija je realizirana na nekoliko lokacija u Bugojnu. Realizator je bio Omladinski centar zajedno sa mektebom Sultan Ahmedove džamije Bugojno na čelu sa imamom Edin ef. Kukićem. Koordinator oве akcije bili su Uzeir Tihak i Ajla Opardija. Ukupan broj učesnika

			akcije bio je 70 , a akciji su se pridružili i ostali građani Bugojna.
25	POTPISIVANJE SPORAZUMA O SARADNJI	19.9.2024.	Omladinski centar potpisao je Sporazum o saradnji između našeg centra i Udruženje „Leptir Bugojno“ , kao dio projekta „Naš prozor u svijet“ koji Udruženje „Omladinski centar“ Bugojno implementira u partnerstvu sa Mrežom za izgradnju mira, u okviru USAID-ovog projekta Snaga lokalnog/Podrška lokalnim resursnim organizacijama (LRO/A).
26	POTPISIVANJE SPORAZUMA O SARADNJI	17.9.2024.	Omladinski centar potpisao je Sporazum o suradnji između NVO „Sunce“, Bugojno i našeg Omladinskog centra , kao dio projekta „Naš prozor u svijet“ koji Udruženje „Omladinski centar“ Bugojno implementira u partnerstvu sa Mrežom za izgradnju mira,u okviru USAID-ovog projekta u okviru USAID-ovog projekta Snaga lokalnog/Podrška lokalnim resursnim organizacijama (LRO/A).
27	MEMORIJALNI TURNIR U STRELJAŠTVU	15.9.2024.	Naš Omladinski centar učestvovao je na Memorijalnom turniru u streljaštvu-Edin Ramić,koje je organizovao Streljački klub-udruženje strijelaca „Kalin“ Bugojno. Naš Omladinski centar predstavljali su: Mirsad Čaušević, Amel Novalić, Ahmed Terzić, Enes Hočkić i Adis Čaušević.
28	EDUKACIJA NA TEMU „CANVAJMO ZAJEDNO“	14.9.2024.	„Canvajmo zajedno“ je naziv edukacije koju su pohađali učenici 7. 8. i 9. razreda, koja je imala za cilj pomoći mladima da savladaju program ili digitalni alat za grafički dizajn,stvaranje digitalnog sadržaja i dijeljenja putem interneta. Radionicu su vodile volonterke našeg centra Merjem Mešan i Iman Mirojević. Učestvovalo 10 mladih.
29	PREDSTAVLJANJE PROJEKTA „POSTANI EKSPERT SVOJIH ODNOSA“	13.9.2024.	Volonteri našeg centra predstavili su projekat na temu „Postani ekspert svojih odnosa“. Projekat je realiziran u okviru sedmodnevnog aktivnog druženja u gradu Žalec, Republika Slovenija. Naš centar predstavljali su volonteri: Merjem Mešan, Ajla Opardija, Vedad

			Vrtagić, Ali Čehajić, Iman Mirojević i Adem Šehić.
30	EDUKACIJA NA TEMU „Spolno prenosive bolesti/kontracepcija“	07.9.2024.	U prostorijama Omladinskog centra održana je edukacija na temu „Spolno prenosive bolesti/kontracepcija“. Učesnici su imali priliku da nauče šta su to spolno prenosive bolesti, kontracepcija i metode kontracepcije. Radionicu je vodila naša volonterka Ajla Oparđija, a na radionici je bilo 12 učesnika.
31	OBILJEŽAVANJE MEĐUNARODNOG DANA MLADIH	12.8.2024.	Omladinski centar obilježio je međunarodni dan mladih kroz razna, zanimljiva predavanja i druženja. Neki od njih su Zakon o mladina FBiH koju je vodila Amra Durić Čaušević, diplomirani pravnik. Motivacija i sport, koju je vodio Amel Novalić, trener. Toxic Masculinity koju je vodila Edina Milanović Gudić, mr.psihologije i certificirani trener. Također u sklopu obilježavanja dana mladih u našem centru održan je turnir u PS5 za najmlađe građane općine Bugojno. Na aktivnostima je bilo ukupno 40 učesnika.
32	TAKMIČENJE U PREDSTAVLJANJU „PODUZETNIČKE IDEJE MLADIH“	28.7.2024.	Ovaj događaj je održan u sklopu Nomad festa. Ovaj festival okupio je mlade poduzetnike iz cijele regije i šire, koji su imali priliku prezentirati svoje inovativne ideje. Članovi našeg Omladinskog centra Bugojno Edin Manjušak i Danis Sijamija učestvovali su u ovom takmičenju.
33	TRENING NA TEMU „ADMINISTRACIJA I LJUDSKI RESURSI“	27.7.2024.	Volonterke Omladinskog centra Bugojno, Merjem Mešan i Ajla Oparđija učestvovali su na treningu koji je održan u Konjicu na temu „Administracija i ljudski resursi“ u organizaciji Institut za razvoj mladih KULT.
34	ŠKOLA TRČANJA	15.7.2024.	Omladinski centar je zajedno sa trenerom Selmirom Mulasmaićem organizovao školu trčanja za građane Bugojna na stadionu Hendek. U školi učestvovalo 20 polaznika.

35	„RENOVIRANJE BASKET IGRALIŠTA“	13.7.2024.	"Renoviranje basket igrališta" je naziv projekta koji su realizirali volonteri našeg centra i stipendisti Fondacije Hastor Anes Tihak i Uzeir Tihak. Podršku ovaj neformalnoj grupi mladih pružio je i naš Omladinski centar Bugojno, kao i KK Iskra Bugojno na čelu sa trenericom Najdom Pandžo. U aktivnosti učestvovalo ukupno 15 mladih.
36	BAJRAMSKI TURNIR U STONOM TENISU	18.6.2024	U prostorijama našeg Omladinskog centra održan je Bajramski turnir u stonom tenisu. Turnir su organizovale Merjem Mešan i Sara Hamzakadić. Na turniru je bilo 25 učesnika.
37	INFORMATIVNI DOGAĐAJ NA TEMU „MIGRACIJA U NJEMAČKU NA OSNOVU SPAJANJA PORODICE I ZAPOSLENJA“	10.6.2024.	U prostorijama našeg Omladinskog centra jučer je održan informativni događaj na temu: "Migracije u Njemačku na osnovu spajanja porodice i zaposlenja". Organizator događaja je bilo Udruženje Faros u okviru projekta "Pripremljeno i uspješno u Njemačku-Migraciono savjetovanje prije doseljenja", finansiran od Evropskog fonda za azil, migracije i integraciju, Savezne republike Njemačke, pokrajine Baden-Wurttemberg i Dijakonije. Na aktivnosti bilo prisutno 20 mladih.
38	UREĐIVANJE PROSTORA ISPRED OMLADINSKOG CENTRA	31.5.2024.	Volonteri našeg centra zajedno sa direktorom Adisom Čauševićom i volonterom iz Fondacije Hastor Uzeirom Tihakom uređivali su prostor ispred našeg Omladinskog centra. U aktivnosti učestvovalo 15 mladih.
39	KONVERZACIJSKI KLUB ENGLESKOG JEZIKA	23.05.2024.	Čas konverzacijskog engleskog jezika održan je u Restoran Galaxie, a tema je bila „What is your favourite food“ ? Časove konverzacijskog jezika vodila je Arduana Porić, a na konverzacijskom kursu bilo je 6 učesnika.
40	POSJETA „VIJEĆKA“	22.5.2024.	Prostorije našeg centra posjetilo je Vijeće mladih Federacije BiH, a naši volonteri i mladi iz našeg grada imali su priliku da uče o svojim pravima i upoznaju se sa Zakonom o

			mladima. U aktivnosti učestvovalo 15 mladih.
41	POSJETA NARKO NE UDURŽENJA ZA PREVENCIJU OVISNOSTI	21.5.2024.	Naš Omladinski centar posjetio je Amir Hasanović iz NARKO NE Udruženja za prevenciju ovisnosti Sarajevo. Mladi iz našeg grada imali su priliku da se upoznaju sa programom rada ove organizacije, kao i aktuelnim programima prevencije koje ova organizacija implementira na terenu. Moderatorica ovog događaja bila je Nejra Čehajić. U aktivnosti učestvovalo 30 mladih.
42	KONFERENCIJA „SADAŠNJOST I BUDUĆNOST“	26.4.2024.	Predstavnik našeg centra Adis Čaušević učestvovao je na konferenciji Sadašnjost i budućnost: Lokalni napredak uz snažne organizacije civilnog društva koju je organizirao Institut za razvoj mladih KULT. Panele su moderirali Tahir Žustra i Hanan Nanić.
43	PROMOCIJA PROJEKTA „REGIONALNOM SARADNJOM DO BOLJIH VOLONTERSKIH PROGRAMA“	23.4.2024.	Volonterke našeg centra Ajla Opardija i Arduana Porić učestvovala su na zoom sastanku povodom promocije projekta „Regionalnom saradnjom do boljih volonterskih programa“. Projekat zajednički provode Udruženje Most i Zdravo Da Ste OC uz finansijsku podršku Institut za razvoj mladih KULT.
44	OBUKA O EVROPSKOM PREVENCIJSKOM KURIKULUMU (EUPC)	19.4.2024..	Predstavnik našeg centra Adis Čaušević bio je učesnik osme obuke o Evropskom prevencijskom kurikulumu koji je održan u Livnu, u organizaciji NARKO NE Udruženje za prevenciju ovisnosti. Voditelji ovog treninga bili su Amir Hasanović i Andrea Mijatović.
45	KONVERZACIJSKI KLUB ENGLESKOG JEZIKA	16.4.2024.	Konverzacijski kurs engleskog jezika održan je u prostorijama našeg Omladinskog centra. Mladi iz našeg grada imali su priliku da učestvuju u ovom kursu. Kurs je vodila naša volonterka Arduana Porić. U aktivnosti učestvovalo 10 mladih.
46	EDUKACIJA NA TEMU	13.4.2024.	Volonterke našeg centra Arduana Porić i Ajla Opardija učestvovala

	„LJUDSKA PRAVA I VIDEO AKTIVIZAM“		su na edukaciji o „Ljudskim pravima i video aktivizmu“.Obuka je bila održana u Banja Luci u organizaciji Zdravo da ste.
47	ZAJEDNIČKI IFTAR	16.3.2024.	Kao i prethodnih godina do sada, naš omladinski centar organizovao je iftar za mlade našeg centra. Iftaru je prisustvovalo 15 volontera.
48	RADIONICE PRVE POMOĆI	14.3.2024.	U našem Omladinskom centru volonteri Crvenog Križa Bugojno održali su radionice prve pomoći. Na radionici je bilo prisutno 11 učesnika.
49	POSJETA FONDACIJE EDUCOS	6.3.2024.	Naš Omladinski centar ugostio je Ibru Hodžića predstavnika Fondacije Educos. Ova posjeta bila je prilika za sklapanje buduće saradnje na polju sa mladima.
	URUČIVANJE NAGRADA POVODOM KONKURSA „MOJA ZEMLJA KROZ MOJ OBJEKTIV“	5.3.2024.	Prilikom konkursa „Moja zemlja kroz moj objektiv“ uručili smo prigodne nagrade za Azru Bečirović i Huseina Šljivu koji su osvojili nagrade na ovom konkursu.
51	DAN NEZAVISNOSTI	1.3.2024.	Povodom 1.marta-Dana nezavisnosti Bosne i Hercegovine, naš omladinski centar raspisao je konkurs z anajbolje fotografije na temu:„Moja zemlja kroz moj objektiv“. Na ovom konkursu nagrađene su 4 fotografije.
52	TRENING NA TEMU „SOCIJALNO PODUZETNIŠTVO i NEVLADINE ORGANIZACIJE“	16.2.2024.	Predstavnik Omladinskog centra Adis Čaušević učestvovao je na treningu „Socijalno poduzetništvo i nevladine organizacije“ koju je organizovao Institut za razvoj mladih KULT.
53	VEČER POEZIJE	15.2.2024.	U našem Omladinskom centru održano je večer poezije gdje je Aldijana Čaušević imala promociju svoje knjige.Na ovoj promociji prisustvovalo je 12 osoba.
54	RADIONICA NA TEMU „MENTORSKI PROGRAM U CIVILNOM DRUŠTVU“	14.2.2024.	Predstavnik našeg Omladinskog centra Adis Čaušević učestvovao je u radionici „Mentorski program u civilnom društvu“ koju je organizovao Institut za razvoj mladih KULT.
55	PREZENTACIJA POZIVA ZA PROJEKTE I MIKROBIZNISE	8.2.2024.	Članovi i članice Odbora Omladinske banke Bugojno održali su prezentaciju Poziva za projekte i mikrobiznise u Omladinskom

			centru Bugojno. Presentaciji je prisustvovalo 11 osoba.
56	TRENING U OKVIRU PROJEKTA „MYSTERY SHOPPER“	25.1.2024.	Naša volonterka Neira Brkić boravila je u Ljubljani. Neira je bila učesnica treninga u okviru projekta „Mystery Shopper“ koji je realizirao Centar za edukaciju mladih Travnik u suradnji sa partnerskom organizacijom No excuse Slovenia.
57	RADIONICA POD NAZIVOM „NE ČUTIMO NA NASILJE, NEGO GA RJEŠAVAMO	14.1.2024.	U našem Omladinskom centru održana je radionica na temu „Ne čutimo nasilje, nego ga rješavamo.“ Voditeljica ove radionice bila je Amra Durić Čaušević certificirana trenerica i diplomirana pravica. Na radionici je bilo 16 učesnika.
58	SASTANAK UPRAVNOG ODBORA	8.1.2024.	U prostorijama našeg Omladinskog centra održan je redovni sastanak upravnog odbora. Upravni odbor čine: Edin Manjušak(predsjednik), Nejra Čehajić, Emir Sinan, Neira Brkić, Anes Čurić.
59	FONDACIJA HASTOR	7.1.2024.	Volonteri i stipendisti fondacije Hastor imali su druženje u našem Omladinskom centru. Ukupno prisutno 30 mladih.

Izveštaj sačinio:

.....
Adis Čaušević, Izvršni direktor OC Bugojno